



UPRAVA DRUŠTVA	Strana: 1 od 2
Broj protokola: 02-1-04-7 - 5011-22/20	JAVNO

Datum: 09.11.2020. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za nabavku robe: Industrijska sol za posipanje kolovoza, imenovane Rješenjem broj: 02-1-04-7-5011-11/20 od 13.10.2020. god., Uprava J.P. Međunarodni aerodrom "SARAJEVO" d.o.o. Sarajevo na 19. sjednici održanoj dana 09.11.2020. god., donosi

ODLUKU

I

Prihvata se ponuda ponuđača MACOT SOL d.o.o. Mostar, broj: AS-2210/20, zavedena na protokol Naručioca pod brojem: 06-04-7-5011-18/20 od 22.10.2020. god., za nabavku robe: Industrijska sol za posipanje kolovoza, koji je ponudio cijenu za navedenu nabavku u iznosu od: 12.000,00 KM (slovima: dvanaest hiljada KM), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Industrijska sol za posipanje kolovoza, v.d. direktora J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-5011-5/20 od 02.10.2020. god., a Rješenjem o imenovanju komisije za provođenje postupka nabavke broj: 02-1-04-7-5011-11/20 od 13.10.2020. god., imenovao Komisiju za njeno provođenje.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-420-3-110/20 od 06.10.2020. god. Do ostavljenog roka za predaju ponuda, 22.10.2020. god., do 12,00 sati, na adresu Naručioca ponude su dostavila 2 (dva) ponuđač, i to: MACOT SOL d.o.o. Mostar i SOLANA d.d. Tuzla.

Na javnom otvaranju ponuda, koje je održano isti dan u 12:30 sati, bez prisustva predstavnika ponuđača, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

- Pregledom ponude ponuđača MACOT SOL d.o.o. Mostar je konstatovano da je ponuda dostavljena u skladu sa zahtjevima iz Tenderske dokumentacije i ocijenjena formalno - pravno, tehnički i računski ispravnom i prihvatljivom za Naručioca.

- Pregledom ponude ponuđača SOLANA d.d. Tuzla, komisija je konstatovala da ponuđač u ponudi nije dostavio Ovjerenu kopiju izvoda iz sudskog registra za obavljanje profesionalne djelatnosti, traženu tačkom 2.1 pod b) Tenderske dokumentacije.

U ponudi ovog ponuđača dostavljen je atest za ponuđenu sol u kojem je navedena granulacija koja ne odgovara zahtjevima iz Tenderske dokumentacije, definisana tačkom 2.1 pod h), zahtijevana određena granulacija, hemijski sastav, da se sol ne zgrudnjava, da je ekološki prihvatljiva, te da nema mehaničkih primjesa koje bi onemogućavale prolazak soli kroz posipač.

ODL	01-3
Strana: 2 od 2	
JAVNO	

Imajući u vidu činjenicu da je ovaj ponuđač ponudio sol različitih tehničkih karakteristika od traženih, Komisija je ovu ponudu ocijenila i tehnički neispravnom.

Također, ponuda ovog ponuđača prelazi budžet predviđen za nabavku predmetne robe, koji iznosi 12.000,00 KM, a ponuđač je ponudio cijenu za predmetnu nabavku u iznosu od 12.900,00 KM.

Imajući u vidu naprijed navedeno, Komisija je ovu ponudu ocijenila formalno-pravno i tehnički neispravnom i neprihvatljivom za Naručioca.

Za ovaj postupak nabavke bila je predviđena e – aukcija za kriterij cijena, koja nije provedena, jer je dostavljena samo jedna prihvatljiva ponuda.

S obzirom da je Naručilac izvršio prikupljanje ponuda metodom Konkurentski zahtjev, gdje se, u skladu sa članom 89. stav (3) Zakona o javnim nabavkama dodjela ugovora može izvršiti u slučaju prijema samo jedne prihvatljive ponude, to je Komisija ocijenila da postoje uslovi za nastavak postupka nabavke predmetne robe.

Vodeći se gore navedenom činjenicom, te činjenicom da ponuda ponuđača MACOT SOL d.o.o. Mostar, za nabavku predmetne robe, u cjelosti ispunjava uslove date u zahtjevu za dostavu ponude, uz ponuđenu cijenu kao u dispozitivu, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeliti ovom ponuđaču.

Izabrani ponuđač dostavio je Naručiocu uz svoju ponudu dokazna dokumenta po članu 45. ZJN, koja nije potrebno naknadno dostavljati.

Uprava J.P. Međunarodni aerodrom "SARAJEVO" d.o.o. Sarajevo je na 19. sjednici održanoj dana 09.11.2020. god., razmotrila dostavljenu preporuku Komisije, te je, nakon uvida u cjelokupno provedeni postupak, istu prihvatila i na osnovu člana 89. stav (3) a u vezi sa članom 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

Prilog: Zapisnik o pregledu i ocjeni ponuda

v.d. DIREKTOR-a

Alan Bajić



DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a